

UNLIMITED ...

Gwneud Cais am Wobr i Egin Artist 2019

Cyflwyniad

Ym mis Mawrth 2019 byddwn yn dyfarnu nifer o gomisiynau i ddatblygu, cynhyrchu ac arddangos prosiectau uchelgeisiol gan artistiaid eithriadol sy'n anabl a chwmnïau ar draws pob llwyfan. Gellir gwneud cais am y rhain o fis Medi 2018 ymlaen.

Gwybodaeth am 'Unlimited'

Mae 'Unlimited' yn rhaglen gomisiynu, sy'n cefnogi prosiectau creadigol gan artistiaid anabl a chwmnïau mewn ffurfiau celf yn cynnwys celfyddydau perfformio, llên, perfformiad, paentio, cerflunio, gweithiau cyhoeddus, ffotograffiaeth, gwaith celf digidol, gosodiadau, ffilmiau a mwy. Mae 'Unlimited' am newid y canfyddiadau am bobl anabl drwy gomisiynu gwaith newydd, arloesol ac o ansawdd uchel. Rhwng 2013 a 2016, fe wnaethon ni gefnogi dros 2,300 o ddyddiau perfformio ac arddangosfeydd gan artistiaid anabl, gwaith gafodd ei weld gan dros 130,000 o bobl.

Roedd 'Unlimited' yn rhan o Olympiad Celfyddydol Llundain 2012, ac yn 2013 dyfarnwyd cyllid i sefydliadau 'Shape Arts' ac 'Artsadmin' oddi wrth Gyngor Celfyddydau Lloegr i gyflenwi'r rhaglen. Caiff y cyfnod hwn o waith 'Unlimited' (2016 – 2020) ei gefnogi gan gyllid oddi wrth Gyngor Celfyddydau Lloegr, 'Spirit of 2012', Cyngor Celfyddydau Cymru a'r Cyngor Prydeinig.

Mae'r adran **Comisiynu Egin Artistiaid** yn cael cefnogaeth 'Spirit of 2012' sy'n ariannu prosiectau ar hyd a lled y DU drwy ddarparu cyfleoedd mewn chwaraeon, gweithgaredd corfforol, celf a diwylliant, gwirfoddoli a gweithredu cymdeithasol.

Pwy sy'n gallu gwneud cais?

Rydyn ni'n annog egin artistiaid ym mhob maes o gelfyddyd wedi eu lleoli yn y DU i wneud cais. Rydyn ni'n diffinio 'egin artist' fel rhywun sydd heb eto gael arddangosfa fawr na chyfle i lwyfannu gwaith nac ychwaith wedi cael sylw eang gan y cyfryngau am eu gwaith. Rydyn ni'n sylweddoli fod rhai artistiaid, oherwydd anabledd, yn wynebu rhwystrau i gyfleoedd addysg a hyfforddiant, sydd ddim yn digwydd i gymheiriaid heb anabledd. Dydyn ni ddim yn diffinio egin artist drwy eu gosod mewn unrhyw ddsbarth yn ôl eu hoedran.

Mae 'Shape' ac 'Artsadmin' yn defnyddio diffiniad cynhwysol o anabledd yn seiliedig ar y ar y dull '**Social Model/Model Cymdeithasol**' o fynd o'i chwmpas hi, sydd, drwy ganolbwyntio ar y rhwystrau osodir gan gymdeithas, yn cynnwys pob nam

Delivered by



**ARTS
ADMIN.**

Funded by



corfforol, synhwyrol ac anweladwy, anabledd dysgu, iechyd meddwl, a chyflyrau niwro-ddargyfeiriol a gorflinder. Os ydych chi'n credu eich bod ymhlith y rhain, a/neu wedi cael profiad o rwystrau rhag mynediad, rydyn ni'n eich gwahodd i wneud cais.

Am ba fath o waith rydyn ni'n chwilio?

Mae'r adran i Egin Artist yn awyddus i gomisiynu **gwaith newydd** a phrosiectau **cyfranogol**. Gall rhain fod yn nyddiau cynnar eu datblygiad, neu eisoes wedi bod drwy ychydig o ymchwil a datblygu. Rydyn ni'n chwilio am waith mewn unrhyw ffurf o gelfyddyd sydd yn: arloesol, rhagorol ac yn cael ei arwain gan artistiaid anabl. Am y gelfyddyd, nid am yr anabledd mae 'Unlimited' yn chwilio; gallai peth gwaith adlewyrchu anabledd, gallai arall beidio. Gall gwaith fod â chysylltiad ag unrhyw bwnc neu thema.

Gallwch wneud cais am un o ddwy gangen o'r cyllid:

1. CREU – Gall egin artist wneud cais am gyllid i wneud gwaith 'Ymchwil a Datblygu' (R&D) ar syniad a chreu darn newydd o waith. Os ydych chi eisoes wedi bod drwy gyfnod o Ymchwil a Datblygu ar gyfer y prosiect, gallwch wneud cais i greu, cynhyrchu ac arddangos y gwaith.

Dylai gwaith comisiwn anelu i gynnal perfformiad amrwd, arddangosfa neu lwyfaniad i gael adborth cynulleidfa a phrofi'r syniadau erbyn diwedd Medi 2019 fan bellaf. Gall y gwaith barhau i gael ei arddangos neu ei lwyfannu wedi hynny.

2. CYFRANOGOL – Gall egin artist wneud cais am gyllid i redeg prosiect cyfranogol. Mae'r prosiectau hyn yn canolbwyntio ar y broses o gydweithio yn hytrach nag ar y canlyniad terfynol a gallai beidio golygu perfformiad / arddangosfa derfynol neu rannu. Gallen nhw fod ar ffurf cyfres o weithdai, grwpiau trafod neu sesiynau creadigol ar draws unrhyw ffurf ar gelfyddyd.

Rydyn ni'n ariannu prosiectau cyfranogol sy'n cael eu harwain gan greadigrwydd gan egin artistiaid anabl mewn cydweithrediad â mudiad celfyddydol neu fentor. Dylai'r sesiynau hyn fod ar agor i gyfranogwyr anabl ac i rai heb fod yn anabl fel ei gilydd.

Meini Prawf Allweddol:

- wedi ei arwain gan anabledd
- ansawdd, arloesedd ac uchelgais
- perthynas artist/cynhyrhydd a gynllunnir neu ddatblygwyd
- cydweithredu a phartneriaethau sy'n bodoli (gall rhain gynnwys rhai heb fod â chysylltiad â chwmnïau/artistiaid/cynhyrchwyr ym maes anabledd) yn cael ei gynllunio neu ddatblygu

Gobeithiwn allu cefnogi ystod o syniadau o ran ffurf y gelfyddyd, graddfa a lleoliad – ar draws yr holl gomisiynau.

Am faint o swm galla i ofyn amdano?

Gall Gwobrau Egin Artistiaid fod rhwng **£2,500 a £10,000** gan ddibynnu ar faint y cynllun a'r uchelgais. Rhagwelir bydd rhwng pedwar a chwe phrosiect yn cael eu comisiynu.

Disgwylir i'r ymgeiswyr gynnwys cymorth mynediad i'r tîm creadigol, i gynulleidfaoedd a chyfranogwyr. Dylai'r gyllideb arddangos unrhyw incwm arall, megis Mynediad i Waith, comisiynu arall neu ffioedd cyflwyno a chymorth mewn ffyrdd eraill.

Sut i wneud cais:

Mae dwy ran i'r broses ymgeisio:

- Mynegi Diddordeb
- Gwneud Cais Llawn, dim ond y rhai sydd ar rhestr fer

Gwneud cais ar-lein ar: weareunlimited.org.uk/apply-to-unlimited/

Mae cymorth mynediad ar gael ar gyfer pob cais, gan gynnwys dogfennau Word y gallwch eu lawrlwytho ar-lein.

Amserlen y Comisiynu

- **Dydd Iau 13 Medi 2018:** porth ceisiadau Mynegi Diddordeb yn agor
 - **Dydd Llun 29 Hydref 2018, 12pm:** dedlein i gynigion Mynegi Diddordeb
 - **Dydd Llun 3 Rhagfyr 2018:** Cyhoeddi'r rhestr fer, agor y porth i Geisiadau Llawn
 - **Dydd Llun 11 Chwefror 2019, 12pm:** dedlein olaf i dderbyn Ceisiadau Llawn
 - **Mawrth 2019:** cyhoeddi penderfyniadau ar pwy sy'n derbyn cyllid
 - **Mai 2019:** y prosiectau'n cychwyn
 - **Gwanwyn 2019 – Medi 2019:** gwaith i gael ei gwblhau a'i gyflwyno i bobl broffesiynol y diwydiant
- Sylwer: ar gyfer CYFRANOGOL (PARTICIPATE) nid oes raid i chi 'gyflwyno gwaith' ond gallech gael gwahoddiad i drafod a rhannu'r broses ar adegau perthnasol.

Mynegi Diddordeb

Byddwch angen cyflwyno:

- Atebion i dri chwestiwn ynglŷn â'ch cymhwyster i wneud cais
- Gwybodaeth sut i gysylltu â chi ac enw'r prosiect, yr artist(iaid) a chynhyrchedd ar gyfer y prosiect
- Deunydd cefnogol megis delweddau, fideo, awdio neu ddogfennau, perthnasol i'r prosiect arfaethedig neu'n dangos gwaith blaenorol. (Opsynol)
- Trosolwg byr o'r prosiect (uchafswm 80 gair) a disgrifiad o'r prosiect (uchafswm 400 gair)
- Gwybodaeth am unrhyw bartner sy'n rhan o'r prosiect (uchafswm 200 gair)
- Bras-amcan o'r swm fyddwch chi'n ei geisio oddi wrth 'Unlimited', os byddwch

- ar y rhestr fer
- Bywgraffiad byr o'r artist/cwmni arweiniol a'r partner cynhyrchu (100 gair yr un)

Cais Llawn

Caiff y rhai sydd ar y rhestr fer wahoddiad i gyflwyno Cais Llawn a byddan nhw'n derbyn canllawiau wedi eu teilwra gan Dîm 'Unlimited' am y meini prawf cysylltiedig â'u syniad am brosiect. Os cewch wahoddiad i gyflwyno Cais Llawn, yna bydd angen i chi ddarparu'r canlynol:

- Enw'r prosiect, yr artist(iaid) a'r cynhyrchydd sydd ynghlwm â'r prosiect
- Crynodeb o'r prosiect (dim mwy na 200 gair)
- Cynnig sy'n rhoi manylion y prosiect a'i addasrwydd ar gyfer 'Unlimited' (dim mwy na 1000 gair)
- Cyllideb fanwl
- Rhagor o wybodaeth am fynediad (dim mwy na 200 gair)
- Bywgraffiadau llawn neu CV ar gyfer yr artist(iaid) arweiniol a'r cynhyrchydd/wyr
- Deunyddiau atodol ar ffurf delweddau, fideo, awdio, neu ddogfennau, perthnasol i'r prosiect dan sylw neu'n dangos gwaith blaenorol.
- Cymeradwyaeth cymheiriaid: llythyr argymell a/neu sylw yn y wasg (dim mwy na 2 dudalen)

Darllenwch ein hadran Cwestiynau Mynych (FAQ) am ragor o wybodaeth gan gynnwys sut i wneud cais drwy wahanol fformatau.

Y Broses Ddethol

Caiff pob cais Mynegi Diddordeb cymwys ei asesu gan banel fydd yn cynnwys cynrychiolwyr o'r cyllidwyr a phump unigolyn wedi eu dewis ymlaen llaw drwy broses ceisiadau agored. Bydd anabledd yn cael blaenoriaeth gan y panel. Am y wybodaeth ddiweddaraf am y Panel Dewis, ewch i'r wefan

weareunlimited.org.uk/apply-to-unlimited/selection-panel

Os hoffech chi gael y wybodaeth hon mewn fformat arall, yna gofynnwch i ni, os gwelwch yn dda.

Os oes gennych awydd gofyn cwestiynau eraill am fynediad, wedi i chi ddarllen yr holl wybodaeth, rhowch wybod i ni drwy gysylltu â Sara Dziadik yn Shape Arts ar sara@shapearts.org.uk neu ar y ffôn ar 020 7424 7336.